



ÅRSRAPPORT GLOPPEN SOKNERÅD 2022



Gloppen kyrkjelyd

Visjon: *Levande kvardagstru og utviklande fellesskap*

Hovudmål:

UTvikle – eit godt fellesskap

UTruste – til tru og teneste

UTsende – gje vidare evangeliet om Guds kjærleik

1. GLOPPEN SOKNERÅD 2022

Berit Aasebø Hauge: Leiar i soknerådet og leiar av Arbeidsutvalet, AU

Hege Støylen Alme: Nestleiar

Åslaug Haugset: Sekretær, medlem i Gudstenesteutvalet

Arne Høyland: Kasserar, medlem i Gudstenesteutvalet, medlem i husestyret for Sandane kyrkje

Bjørn Aurlien: Leiar i Fellesrådet

Oddhild Almenning Voll: Representant i Fellesrådet, medlem Trusopplæringsutvalet (TRU),
ansvarleg for konfirmantkapper

Eivind Kjerstad Nilsen: Leiar i Trusopplæringsutvalet (TRU)

Kjell Dann Mardal: Ansvar for dugnad på kyrkjegardane. Permisjon frå vervet heile 2022.

Laila Bergheim Ommedal: 1. vara i soknerådet, har vore innkalla til alle møte, fast medlem
frå 23.9.20

Oddvar Bjørlo: Varamedlem, har møtt fast som 1. vara til soknerådet frå 23.9.20,
medlem i Diakoniutvalet

Gunhild Aabrekk Nedrebø: 3. varamedlem og medlem i Diakoniutvalet

Oddrun Alme: 4. varamedlem, ansvarleg for konfirmantkapper

Gjertrud Sundt Ravnestad: 5. varamedlem, varamedlem Fellesrådet

Einar Ove Kårstad: 6. varamedlem, ansvarleg for organisering av parkeringsvakter

Vidar Bjotveit: Sokneprest for Gloppen sokn, medlem av Arbeidsutvalet, Trusutvalet og
Gudstenesteutvalet

Sokneprest og soknerådsleiar har fungert som arbeidsutval (AU) i 2022.

2. MØTEAKTIVITET I SOKNERÅDET 2022

Gloppen sokneråd har hatt 11 soknerådsmøte og det har vore handsama 112 saker.

(19.1., 16.2., 16.3., 20.4., 11.5., 1.6., 24.8., 21.9., 19.10., 16.11. og 7.12.)

I tillegg hadde vi eit ekstraordinært møte der soknerådet kom med uttale i samband med tilsettjing av ny prost i Nordfjord prosti.

Arbeidsutvalet har hatt møte ei veke før kvart soknerådsmøte, det har vore frist for innlevering av saker til soknerådsmøtet dagen før møtet i Arbeidsutvalet.

Soknemøte/årsmøte for 2022 den 5.3.2023 i Vereide kyrkje.

2. VIKTIGE SAKER

KYRKJELEG ORGANISERING

Ei sak vi arbeidde mykje med i 2021 og i februar 2022 fekk vi resultata av høyringa.

Kristin Gunleiksrød Raaum, leiar i Kirkerådet. (Vårt land 18.februar 2022): • Det er stor skepsis til å etablere et nytt prostifellesrådnivå. • Der er bred støtte til en sterkt lokalkirke og et sterkt sokn. • Det er sterkt understrekning av betydningen av et tett samarbeid med kommunen og av kommunal finansiering. • Det utsyrkes mye uro for økt sentralisering. • Det er sterkt støtte til en kirke som henger bedre sammen i organisasjon, struktur og tilsyn. • Vi er sammen om målet: Å få en ressurseffektiv og hensiktsmessig organisering, fordi vi har et så viktig oppdrag.

FORNYING AV SANDANE KYRKJE OG KYRKJELYDSDELEN

Dette året har det også vore arbeidd med fornying av Sandane kyrkje. Det har vore gjort mykje og godt arbeid av det nye husestyret for Sandane kyrkje og byggjenemnda. Det har vore gjennomført 130 dugnadstimar med riving og klargjering for vidare arbeid i kyrkjelydsdelen. Godt jobba!

BARNEKROKEN I VEREIDE KYRKJE

Det har i lengre tid vore ynskje om å fornye «barnekroken» i Vereide kyrkje og dessutan rydde kyrkjerommet for benkar og anna utstyr som vert lite brukt. No er «barnekroken» rydda, det vart ein fin plass bak i kyrkja. Det som står igjen no er å skaffe høveleg inventar. Stor takk til dei som har gjort arbeidet!

GJEVARTENESTA I GLOPPEN SOKN

Dette er ei flott ordning for soknet som gjer at vi for fyrste gong på mange år går med eit lite overskot i rekneskapen. Det er laga ei brosjyre om gjevartenesta og denne har vore delt ut i samband med nokre gudstenester. I 2022 fekk soknet inn 127 000 kr. til kyrkjelydsarbeidet gjennom denne ordninga. Vi meiner likevel at det er potensiale for å få meir enn 31 faste gjevarar slik vi no har.

Vi kjem difor aktivt til å prøve å rekruttere fleire gjevarar dette året. Dei som ynskjer det kan melde seg på kyrkja sine nettsider. I denne ordninga vert gåva meldt inn til skatteetaten slik at ein kjem inn under ordninga med skattefrådrag.

LOPPERIET

Medarbeidarane i Lopperiet gjer ein stor og flott innsats for å samle inn pengar til arbeidet i kyrkja vår. Vi ser av rekneskapen at Lopperiet har hatt 219.000 i brutto inntekt i år. Kva skulle vi gjort utan Lopperiet? Flott organisering av loppesalet og tilgjenge til å kunne kjøpe lopper gjennom heile året, samstundes får gjenstandar nye eigalar i staden for å bli kasta. Tusen takk for arbeidet de legg ned, håpar de finn motivasjon til å halde fram i mange år! Lopperiet har eit eige styre, der sit Arne Høyland, Berit Gloppestad, Else Tystad og Oddrun Alme.

HØGTIDSRINGING

Ei sak som har vore arbeidd med ved fleire høve er høgtidsringing.

Kyrkjemøtet vedtok i 2015 at «Auto-høytid-aften» skal vere standard ringing i heile Noreg. Avvik frå denne standarden kan gjerast ved lokale vedtak, solid forankra i ynskje om å vidareføre gamle ubrotne tradisjonar. Bygdekvinnelaget hadde kronerulling i 2015/2016 for høgtidsringing. Soknerådet har hatt drøfting av saka og sett opp korleis vi ynskjer at høgtidsringinga skal vere ut ifrå ynskja til Bygdekvinnelaget (sak 16/22 16. februar 2022).

Vedtaket vart sendt til administrasjonen slik at dei kan innarbeide dette i ringerutiner for heile Gloppen kommune.

DUGNAD PÅ KYRKJEGARDANE

I samarbeid med kyrkjeverja har vi sett opp reglar for korleis dugnader på kyrkjegardane skal organiserast. Det vart gjennomført dugnad på alle kyrkjegardane og mykje godt arbeid vart gjort.

SAMARBEID MED KFUK/KFUM

Gloppen KFUK/KFUM har på vegne av KFUK/KFUM Sogn og Fjordane teke kontakt med ynskje om å samarbeide om opplegg for ungdom. 20. april hadde vi vitjing av Stein Robert Osland frå KFUK/KFUM Sogn og Fjordane der vi fekk orientering om kva samarbeid med DNK dei ser for seg. Eivind Nilsen, Åslaug Haugset og Vidar Bjotveit (sokneråd, kommune, prest) deltek no i ei arbeidsgruppe som ser på eit slikt samarbeid. Det vert spennande å sjå kva dei kjem fram til.

ØKONOMISK STØTTE TIL UNGDOMSARBEID

Vi har teke i mot søknad, drøfta og gjeve økonomisk støtte til Skileir på Stranda, deltaking for Sandane Soul Children på Soul Children festival i Oslo, KRIK-leir for 16 ungdomar på Hamar i nyttårshelga.

KYRKJA I MØTE MED LHBTQ+.

Soknerådet har drøfta korleis vi kan vise tydeleg at kyrkja er for alle, og vere tydeleg på at alle er velkomne til å delta og bidra, uavhengig av legning. Dette er tema i konfirmantundervisning og i sjelesorg. Soknerådet er ikkje ferdig med å drøfte saka, og har heller ikkje landa på tiltak.

PLANARBEID

Ein svært viktig del av arbeidet i soknerådet er å utarbeide planar for arbeidet i kyrkja. Med mange tilsette og enda fleire frivillige som skal samarbeide er planarbeidet ei viktig forutsetning for å få det til å fungere.

Vi har strategiplan, den evaluerer vi kvart år for å sjå om arbeidet vårt er godt nok og kva vi må bli betre på. Gudstenestoplan og plan for kva tid medliturggruppene gjer teneste. Offerliste, årshjul og møteplanar. Planane er ein svært viktig «arbeidsreiskap» for soknerådet og dei vert jamleg evaluerte i høve til om vi har oppnådd det vi ville.

NYTT I 2022

Simona Fraas Johnson har starta i 100 % stilling som kyrkjelydspedagog 1.8.2022.

Soknerådet har gjeve økonomisk støtte til innkjøp av flygel i Sandane kyrkje.

4. SOKNERÅDET HAR HATT ANSVAR FOR/ MEDANSVAR FOR I 2022

- Medarrangør av «Matteusevangeliet ord for ord», torsdagssamlingar i Sandane kyrkje ved Sigurd Vengen. 8 samlingar i 2021. I alt 16 samlingar vinteren 2021/2022.
- Fredskonsert for Ukraina i Sandane kyrkje 30. mars.
- 6. april var det medliturgfest. God mat, underhaldning og Quiz. Soknerådet er svært takknemlege for den gode tenesta alle med medliturgane i kyrkja vår utfører.
- Konfirmasjonane vart i år organisert som før pandemien. 2 gudstenester i Gimmestad kyrkje laurdag 21. mai og 2 gudstenester i Vereide kyrkje laurdag 28. mai.
- Gudsteneste 1.pinsedag på Tin Camp. Eit samarbeidsprosjekt mellom DNK, Sion, Fellesskapskyrkja og Møtepunkt B. Eit svært fin gudsteneste i flott ver og store mengder god mat til kyrkjekaffien og god søg. Svært mange ytra ynskje om at dette må bli ein tradisjon.
- Gudsteneste i Prestegardshagen, Skaparverkets dag, var 24. juli. Den vart flytta til Vereide kyrkje grunna svært dårlig ver. Natursti vart organisert inne i kyrkja.
- Støylsgudsteneste dette året vart erstatta med gudsteneste i Gamle Gimmestad kyrkje 17. juli.
- Gudsteneste på Heradspllassen i samband med Sandanedagane. Gudstenesta vart halden ute framfor Heradshuset. Gloppen Vocal Band deltok med flott song og Ingebjørg Isane Fure heldt ei god preike.
- Kyrkjelydstur til Ytre Fure den 20. august.
- I etterkant av gudstenesta i Sandane kyrkje der 4-åringane fekk utdelt bok vart det arrangert kyrkjekaffi og Kick off for det kristne barnearbeidet i soknet. Vi har eit ynskje om å setje fokus på alt det flotte barne- og ungdomsarbeidet som vert utført. Dette var eit samarbeidsprosjekt mellom søndagsskulane på Vereide og Sandane, Sandane Soul Children, DNK- trusopplærarar, KFUK/KFUM og Møtepunkt B. Ynskjer eit liknande opplegg 1. pinsedag på Tin Camp i 2023.

- Konfirmantjubileum 1.-2.10.22 50-, 60-,70- og 80 års konfirmantane var invitert.
- 2. oktober hadde vi hausttakkefest i Vereide kyrkje i samarbeid med Gloppen Bygdekvinnelag og Gloppen Bondelag. Vonar dette kan bli ein tradisjon.
- Fellesgudsteneste med Sion, Fellesskapskyrkja, Møtepunkt B og DNK på Sion 27. november.
- 7. desember inviterte vi staben til soknerådsmøte der vi drøfta korleis vi kan samarbeide.

5. DELTAKING PÅ ANDRE MØTE OG ARRANGEMENT

- Arne Høyland og Berit Aasebø Hauge deltok på gudsteneste og kyrkjekaffi i samband med innsetjing av Mari Saltkjel som prost i Nordfjord prosti. 3. april
- Oddrun Alme var i komite for rusfritt 16. mai arrangement.
- Trusutvalet arrangerte inspirasjonssamling for frivillige medarbeidarar i det kontinuerlege barne- og ungdomsarbeidet i sokna 28. september.
- Biskop Halvor hadde avskjedsreise i bispedømmet. Gunnhild Aabrekks Nedrebø, Oddhild Almenning Voll og Berit Aasebø Hauge deltok på ei samling i Nordfjordeid 6. oktober.

Etter to annleis år med pandemi og krevjande arbeidstilhøve og mykje ekstraarbeid for tilsette og frivillige var vi endeleg tilbake til eit meir normalt år. Vi kan skape gode møteplassar og gode relasjoner for å kunne formidle den gode bodskapen i trua vår.

Som kyrkje har vi ei svært viktig oppgåve i å formidle trua vår til flest mogleg gjennom gudstenester og ulike arrangement. Dessutan ynskjer vi at ramma rundt gudstenester og andre arrangement skal vere ein sosial arena der folk kan treffast, prate og bli betre kjende med kvarandre. Difor har vi lagt til rette for kyrkjekaffi i alle tre kyrkjene våre ved mange høve. Nemnast må og flott kyrkjekaffi ved fellesgudstenesta på Tin Camp 1. pinsedag og kyrkjelydstur til Ytre Fure.

Nytt av året var og ein Kick off for barne- og ungdomsarbeid i september der vi sette fokus på det flotte arbeidet som ulike organisjonar og DNK gjer saman for barn og unge i soknet vårt.

Generasjonsgudstenestene i Sandane kyrkje må vi og ta fram. Gudstenester tilrettelagt for alle mellom 0 og 110 år. Flotte gudstenester med god tilrettelegging for alle. Møt opp og delta, du vil verte berika! Gruppa som utarbeider desse gudstenestene er: Jorunn Eikenes, Eirin Bakketun Sægrov, Anne Marie Bø Bakke (pause sist halvår), Dorothee Raschwitz og Vidar Bjotveit. Stor takk til dei for det kreative og flotte arbeidet dei gjer!

Gudsteneste på Heradspllassen i samband med Sandanedagane, der svært mange deltok og Gloppen Vocal Band deltok med flott song.

Undervisningsopplegget til Sigurd Vengen « Matteusevangeliet- ord for ord» vart avslutta i mars.

Mange sette stor pris på grundig undervisning.

Lovsanggruppa som stiller opp og formidlar bodskapen på ein flott måte.

Vi må ta med dei flotte elevane frå folkehøgskulen som jamleg er med som deltakrar og ved nokre høve har oppgåver i gudstenestene. Vi set stor pris på alle ungdomane som fyller kyrkjebenkane.

Stor takk til alle medliturgar som stiller opp ved gudstenestene våre og gjer ein god og viktig jobb!

Til sist takk til alle som har vore deltakrar på ulikt vis!

Statistikk for Gloppen sokn 2022

2020 og 2021 var to år med korona, det fekk konsekvensar for mange av tala i statistikken.
 Vi har teke med tala frå 2019 for å vise korleis stoda var i det vi tenkjer var eit normalår før korona
 for å sjå om vi i 2022 nærmar oss eit «normalår» igjen.

	Døypte	Deltakarar søndagsgudst.	Deltakarar andre gudstenester	Deltakarar gudsteneste tot.
2022	42	6165	2183	8348
2021	26	4184	948	5132
Differanse 21/22	16	1981	1235	3216
2019	33	8336	1295	9631

	Søndags-gudstenester	Andre gudstenester	Nattverds-gudstenester	Nattverds-deltakarar
2022	62	19	33	1695
2021	80	17	41	1286
Differanse 21/22	-18*	2	-8	409
2019	83	14	52	2294

	Gudstenester totalt	Gjennomsnittleg deltaking	Gjennomsnitt hovudgudsten.	Gjennomsnitt nattverd
2022	81	103	99	51
2021	97	55	52	31
Differanse 21/22	-16*	50	47	20
2019	97	99	100	44

	Konfirmantar Totalt	Offer totalt	Innmelde	Utmelde	Vigslar
2022	49	291857,-	4	10	6
2021	42	153381, -	4	12	4
Differanse 21/22	7	138476,-	0	-2	2
2019	56	369407,-	5	17	10

* Den store differansen er på grunn av at det ikkje vart arrangert kveldsgudstenester i 2022.



ÅRSMELDING 2022 FRÅ HUSESTYRET FOR SANDANE KYRKJE.

Ved nyttår gjekk Paul-Rune Daviknes og Liv Djupegot ut av husestyret etter 7 års teneste.

Det tok litt tid før nytt styre var på plass, men 1. juni valde Gloppen sokneråd nye kandidatar til rådet:

Sak 59/22 Val av husestyre for Sandane kyrkje

Fire flotte kandidatar har sagt ja til å sitje i styret.

Vedtak: • Eirin Bakketun Sægrov • Olaug M. Eikenæs • Anders Hole • Arne Høyland

Funksjonstida er 2 år.

Styret konstituerte seg slik på møte 20.juni:

Leiar: Arne Høyland

Nestleiar: Olaug Meland Eikenæs

Styremedlem: Eirin Bakketun Sægrov

Sekretær: Anders Hole

Aktivitetar/møte:

- På møtet 20. juni drøfta det nye styret kva saker dei gjerne vil jobbe med:
 - Nytt kors ute ved grillplassen. "Stein og ugrasbedet" mellom gangsti og veg, samarbeid med kommunen? Reinske plattingen bak kyrkja. Arrangere dugnad i samband med ombygging av kyrkja. Fjerne bringebærkratt og reinske området ved grillplassen. Arrangere dugnad på uteområdet til våren.
- Styremøte 7. september der vi såg på korleis dugnad i samband med rivingsarbeidet skulle organiserast og kven vi skulle spørje. Oppstart sett til 21. september.
- Det var utført **130 timer dugnadsarbeid** i samband med riving av innvendige veggar i kyrkja i løpet av 2 – 3 månaders tid utover hausten. Vi fekk gjenbrukt eller selt ein del av materialar/ innvendige glas. Stor takk til alle som stilte opp!
- I november fekk vi god pris på blomsterløk med Hageland som vi planta i atriet ved kyrkja. Gler oss til våren!

ÅRSRAPPORT FRÅ DIAKON

Gloppen kyrkjelege fellesråd 2022.

Sorggruppe og heimebesøk

Sorggruppe med fem deltakarar som starta hausten 2021, heldt fram til februar 2022. Til saman sju samlingar. Deltakarane gav uttrykk for at dei hadde utbytte av samlingane. Det vart ikkje jobba med å få til ny sorggruppe hausten 2022. Grunnen var at eg begynte på deltidsstudium i sorgstøttarbeid. Med seks undervisningsdagar i Oslo i løpet av hausten og heimeeksamen, måtte noko prioriterast vekk. Sorggruppearbeidet er gjevande, men det tek ein del tid med PR-arbeid, samtaler med interesserte, førebuing saman med medleiar og gjennomføring. Medleiaaren som har vore med, hadde ikkje høve å bli med hausten 22, så då ville det òg ha teke tid å samkøyre med ny medleiar.

Har hatt ein del heimebesøk. Det har ikkje vore så mange formelle sjælesorgssamtaler, men gode samtaler om livet kan også oppstå i Sandane sentrum, på kyrkjekaffi, på telefon osv.

Samlingar på institusjonar

Hyggestunder og andakter på Omsorgssenteret har rullert torsdagar både våren og hausten, utanom fire babysongsamlingar lagt til Omsorgssenteret og fire nattverdsgudstenester. Saman med dyktige frivillige har eg hatt ansvar for hyggestunder, og har vore med på to nattverdsgudstenester. Diakoninemnda har helde fram med det gode arbeidet på Gotatunet, og eg har vore innom og hatt andakt ein gong. På Løkjatunet har eg vore delaktig i ei hyggestund og ei nattverdsgudsteneste i lag med diakoninemnda der. I Breim sokn kom vi i gang med nattverdsgudstenester på Re- og Byrkjel-tunet i haust. Saman med diakonikontakt i soknerådet var eg òg med på adventsmøte på kvart tun.

Gudstenester

Eg var delaktig i gudsteneste med årsmøte i Breim i mars, hadde ansvar for eldregudstenester (saman med prest) i Breim kyrkje og Sandane kyrkje i juni. Hadde også preike på gudsteneste på Heradspllassen under Sandanedagane, og tok del i helgemessegudsteneste i Hyen i november.

Andre samlingar og arrangement

Inspirasjonssamling med Sølv Hopland Aemmer var planlagt i januar, men vart utsett til 2. april, der 68 personar deltok. Temaet var «Å ruste seg til reisa». Den årlege samlinga på den internasjonale bønedagen for kvinner vart gjennomført 4. mars. I lokalkomiteen sat Grete Tennebø, Karin Urke, Jorill Lunde og underteikna. Fleire vart involverte. Kyrkjelydstur til Ytre Fure i mai var ferdig planlagt med god deltaking, men måtte utsettast p.g.a. korona. I august gjennomførte vi turen med 46 deltararar frå alle tre sokna.

I september hadde vi bibeltime i Breim kyrkje ved Sigurd Vengen. Kommunen inviterte til samarbeid for markering av verdsdagen for psykisk helse sist haust. Eg var med i arrangørkomiteen, og vi hadde arrangement på Heradspllassen under landsbylaurdag i oktober.

Andre prosjekt og oppgåver

Tilsette sin representant i redaksjonen for Kyrkjebladet, skriving til bladet, anna informasjonsarbeid, stabsmøte kvar veke, kontakt med diakoninemndene og andre frivillige har òg vore blant oppgåvene.

For eiga fagleg utvikling deltok eg på to fagdagar i Bergen for diakonar, i tillegg til vidareutdanning frå august 22. Frå første halvår i 22 hadde eg ein del timer til gode som eg brukte til studering i haust.

Sandane 20.1.2023

Ingebjørg Isane Fure

TRUSOPPLÆRING I GLOPPEN

Trusopplæringsarbeid.

Eivind Nilssen og Oddhild Almenning Voll er representantar i trusopplæringsutvalet. TRU hadde 4 møte i 2022.

Første arrangement i 2022 var **Tårnagenthelg** for 9-åringar, i Gimmestad kyrkje 29.-30. januar. 18 born, ca. 55 % av målgruppa, var påmelde og vi hadde god hjelp av frivillige medhjelparar.

Symboljakt, labyrinth og tårnagentsong sto på programmet som før. Det var mange gode tilbakemeldingar.

Palmesøndag var det utdeling av **bøker til 6-åringane** i fullsett Sandane kyrkje og kyrkjekaffi etter gudstenesta med masse gode kaker. Godt nøgde 6-åringar etterpå.

10. og 11. september var det laurdagssamling og gudsteneste med **bokutdelig for 4-åringane**.

Mellom 92 % oppmøte på gudstenesta søndagen. Godt samarbeid med søndagsskulane er med på å kvalitetssikre dette tiltaket. Etter gudstenesta var det Kick off på barne- og ungdomstilboda i Gloppen kommune. Born og vaksne fekk prøve ut ulike aktivitetar som dei kristne organisasjonane og DNK hadda laga til.

Onsdag 28. september hadde vi vår årlege **Fellessamling** for alle i Gloppen som er engasjert i kristent barne- og ungdomsarbeid. Sidan det var frivilligheitas år, hadde vi i TRU lyst til å gjere stas på dei som kom. Det vart bestilt koltdtbod frå folkehøgskulen. Eivind leia tilstellinga. Det var kulturelt innslag med Dorothee og Simona.

På **konfirmantleiren** 24.-25. september hadde vi med oss 2 elevar frå Folkehøgskulen og 4 fjaråskonfirmantar som hjelpeleiaraar. Vi hadde ei førebuingsamling med desse veka før og reiste til Nesholmen tidleg laurdag morgen for å vere klare til å ta imot årets konfirmantar. Konfirmantane var aktive og med. Overnatting til søndag, og avslutning med gudsteneste i Gimmestad søndagen. Konfirmantane bidrog med dans, musikk og lesing.

Lys vaken for 11-åringar vart arrangert i Vereide kyrkje 10.-11.desember med veldig lavt oppmøte i høve til før; 50%. Ein del av dei same leiariene som var med i 2021, var med i 2022. Eit team som arbeider godt i lag. Det vart ei flott helg for ein fin gjeng. Hadde med to konfirmantar. Dei jobba godt med borna og tok initiativ til eigne aktivitetar i ledige stunder.

Småbarnstreff samlar born frå 1-4 år 3 laurdagar i haustsemesteret. Det kom 9 familiar med born som var med. Eg lagde til alt aleine. Gjekk bra, men hadde vore godt å ha med seg ein til å lage kaffi og te. Våren 2022 prøvde eg med ei samling av 2-åringane. Det vart litt meir formelt enn småbarnstreffet.

Annakvar torsdag har Simona **Babysong** i Sandane kyrkje. Her er det godt oppmøte no. Mellom 9-10 kvar gong. Vi har vore 4 gongar på Omsorgssenteret med babysongen.

Simona har også vore med på **Ope hus** annakvar veke i vårsemesteret. Haustsemesteret er eg der ein gong i månaden.

Stor takk til deg som har gjeve av tida og kreftene dine til trusopplæringa! Denne innsatsen er heilt nødvendig og til stor oppmuntring og glede for meg som tilsett.

Sandane 23. 1.2023

Simona Fraas Johnsen - kyrkjelydspedagog

RAPPORT FRÅ KANTOR

GUDSTENESTER

Korsong

Vereide kyrkjecor har delteke på gudstenester i Vereide og Gimmestad kyrkje. For aktiviteten elles i koret, viser eg til årsmeldinga for koret.

Gimmestad kantori har ikkje vore i gang i 2022.

Rygg songlag deltok på adventskonsert i Gimmestad kyrkje, men ikkje på gudstenester.

Austrheim mannskor song på 17. mai - gudstenesta i Vereide i 2022.

Nytt Julekor song i Vereide kyrkje 1. juledag.

Instrumentalmusikk (utanom orgel)

Lovsongsgruppa deltok ved tre gudstenester.

Gloppen Vocal band deltok på Heradspllassen under Sandanedagane

På diverse høgtids/fest/ gudstenester i Gloppen sokn har det vore:

trompetspeling Håvard Nordvik, Trond Haugen,

solo Margot Meling Nesgård, Veronika Kvandal Gjelsten, Oliver Eliah Kvandal Gjelsten
og Hege Alme

fløyte Silje Øisang

bratsj Simona Johnson Fraas

Konserter og musikandakter

Etter coronatida har det igjen vore mogleg å få til diverse arrangement, som fordeler seg slik på kyrkjene våre:

Vereide kyrkje: 12

Gimmestad kyrkje: 3

Sandane kyrkje: 8

Sandane, januar 2023

Dorothee Raschwitz

kantor

KYRKJEBLADET

Redaksjonen

Ved årsskiftet 2021/22 avslutta Oddvar Almenning redaktørarbeidet med Kyrkjebladet etter eige ønskje. Han hadde fram til den tid spela ei stor og kreativ rolle i utarbeidinga av bladet som han hadde leia med stødig hand. Det lukkast ikkje å finne nokon som ville ta på seg redaktøransvaret vidare, men heile redaksjonen heldt fram. I tillegg kom Anders Rinde med.

REDAKSJONEN 2022	
Anders Rinde, Gloppe sokn Harald Aske, Gloppe sokn Gunn Hole, Gloppe sokn Arvid Jordanger, Breim sokn Kurt Djupvik, Hyen sokn Ingebjørg Isane Fure, staben Tore Myklebust Vidar Bjotveit	Distribusjonsansvarleg: Harald Aske Korrekturlesar: Rønnaug Ryssdal Grafisk design: Innholdspartner AS ved Bjørnar Aske Trykk: United Press, Riga, Latvia

I arbeidet med innhaldet i bladet, hadde ein knytt til seg mange velvillige, eksterne bidragsytarar. Dette skapte breidde i blada.

Andaktsskrivarar	Baksidekunst
Oddlaug Schjølberg Karen Margrethe Eikenes Meland Eivind Nilsen Asbjørn Gjengedal Sigurd Vengen Tore Myklebust	Bjørg Frøiset Bjøberg Oddny Grotle Føleide Jorunn Vereide
Spaltistar	Barnesider
Grethe Lysen Steinar Saltbones Jorunn Eikenes Laila Bergheim Ommedal Ragnhild Birkeland Hope Marianne Bakketun Fjellestad	Harald Aske Olaug M Eikenæs Gunn Hole Simona Fraas Johnsen
Andaktsillustratørar	
Oddvar Almenning Audhild Bogstad Magne V. Kristiansen	 

Arbeidet i redaksjonen

Året 2022 blei eit år med utprøving av redaksjonen si nye organisering. Ein flat leiingsstruktur vart valt, der oppgåvene blei fordelt på alle medlemmene i redaksjonen. Ein gjennomarbeidd årsplan stod som eit styrande rammeverk for arbeidet.

Det var ein klar fordel at alle medlemmane heldt fram, med sin kjennskap til rutinar og arbeidsmetodar. Dessutan blei gruppa styrka ved at Anders Rinde kom med, han tok primært hand om det økonomiske og om samansetjinga av bladet.

Hovudtema i 2022 var **frivillighet**. Det var enkelt å finne gode kandidatar, og vi fekk løfta fram mange.

Kyrkjebladet kom ut 6 gonger, og redaksjonen hadde 6 møte i forkant av kvart blad. Gruppa samlast til redaksjonsmøte om lag 6 veker før planlagt utleveringsdato. Møtestad var Sandane kyrkje. Leiing gjekk på omgang. Her blei idear drøfta og oppgåver fordele, erfaringar blei lufta og eventuelle problemstillingar fann sine løysingar.

Vi tok nokre praktiske grep: Bladet skulle slankast og vere på 40 sider til vanleg, og 48 til påske og jul. «Redaktøren har ordet» blei til «Redaksjonen har ordet». Her kunne dei ulike redaksjonsmedlemmane setje dagsorden kvar sin gong.

Oppsummering

Det var ein stor overgang å gå frå å ha ein redaktør som hadde mange planer klare, over til ein flat leiingsstruktur. Vår røynsle i løpet av dette året, er at med erfarne redaksjonsmedlemmar som hadde god vilje og som tok ansvar, har det gått greitt. Ein kunne også diskutere oppgåver med kvarandre undervegs, eller ta opp problemstillingar på møta. Fordeling av arbeidsoppgåver i samsvar med interesser blei viktig. Redaksjonen arbeidde godt saman og fann gjennom året nye rutinar som ser ut til å fungere målretta i arbeidet med kyrkjebladet.

REKNESKAP FOR KYRKJEBLADET 2022

Utgifter		Inntekter	
Trykking	160353	Bladpengar	207863
Grafisk utforming	105600	Annonser	83000
Porto	13271	Tilskot i samband med	
Diverse	5630	Kyrkjebladfest	20000
Sum	284854	Sum	310863
Overskot	2600		

VEREIDE KYRKJEKOR

Årsmelding for Vereide kyrkjekor 2022

Årsmøtet i 2022 vart halde i peisstova i Sandane kyrkje tysdag 1. mars kl. 19.00

Årsmøtet konstituerte seg på vanleg vis.

Styret dette året har vore:

- Kirsti Bjotveit, leiar
- Inger Lise Engelstad, nestleiar
- Harald Aske, skrivar
- Anders Rinde, kasserar
- Dorothee Raschwitz, dirigent
- Vara: Ann-Kristin Fløtre og Anita Sande
- Revisor: Terje Sand
- Valnemnd: Berit Aasebø Hauge og Karin Isane Selsvik
- Blomehelsingar: Karin Urke



Etter eit par år med koronarestriksjonar, har 2022 vore eit vanleg kor-år med øvingar og deltaking på arrangement.

Styremøte:

Styret som vart valt på årsmøtet i mars, har hatt seks styremøte i 2022. På møta har vi handsama 25 saker. Dei fleste sakene har handla om øvingar og opptredenar gjennom året. I mars gjorde vi ein innsats for å rekruttere nye medlemmer til koret. Vi tok kontakt direkte med over 30 personar, og det resulterte i to nye medlemmer. Utover hausten arbeidde vi for å få til eit samarbeid med kammerkoret i Bremanger og eit Trygve Bjerkheim-arrangement i 2023

Korøvingar:

Vårens store prosjekt var å bli klar til Mendelssohn-konsert 6. juni. Vi hadde øvingshelg 14. og 15. mai og utvida øvingstid tysdag 24. mai. Oppstart med haustøvingar 23. august. Siste øvingsdag før jul var tysdag 13. desember

Komedlemmer:

I 2022 har vi fått 5 nye medlemmer.

Eit medlem har slutta.

Status på slutten av 2022:

9 sopranar, 7 altar, 3 tenorar, 6 bassar og 1 dirigent= 26

Dette var vi med på i 2022:

- 6. februar deltok vi på gudsteneste i Vereide kyrkje
- 6. mars deltok vi på gudsteneste i Vereide kyrkje
- 16. april deltok nokre i koret som forsongarar på påskennattsmesse i Gimmestad kyrkje
- 17. april deltok vi på påskedagsgudsteneste i Vereide kyrkje
- 21. mai forsongarar ved konfirmasjon i Gimmestad kyrkje
- 28. mai forsongarar ved konfirmasjon i Vereide kyrkje
- 6. juni Mendelssohn-konsert Vereide kyrkje saman med Austrheim mannskor og musikarar
- 9. september deltok vi på konsert i Vereide kyrkje i regi av Gloppen musikkfest
- 22. september deltok nokre damer i bisetjinga til Dag Fosstvedt i Vereide kyrkje
- 2. oktober på gudsteneste (konfirmantjubileum) i Vereide kyrkje
- 6. november på helgemessegudsteneste i Vereide kyrkje
- 8. desember ved bålpanner i Sandane sentrum i samband med kveldsopne butikkar før jul
- 16. desember deltok på julekonserten i Vereide kyrkje
- 1.juledag deltok nokre i koret på høgtidsgudsteneste i Vereide kyrkje

Konsert i samband med Mendelssohn-jubileet

I 2022 var det 175 år sidan Jakob Ludwig Felix Mendelssohn Bartholdy døydde. Dette ville vi markere med ein konsert, og vi fekk med oss Austrheim mannskor, Steinar Rinde og Ann-Margrit Siegrist Silfverhielm. Koret vart også forsterka på alle stemmer. Konserten hadde vi 6. juni (2. pinsedag) i Vereide kyrkje.

Julekonserten vart arrangert igjen etter koronapause i to år. Dato var 16. desember, og dei andre aktørane på konserten var Gloppen Janitsjar, Austrheim mannskor, Hege Støylen Alme, Margot Nesgård. Vidar Bjotveit heldt andakt.

SONGAR BRUKT I 2022

Carol of Bells	ukrainsk julesang
Bells of paradise	John Rutter
Christmas lullaby	John Rutter
Det heiv ei rose sprung	Michael Praetorius
Deilig er jorden	Breslau
Å kom nå med lovsong	The English hymnal
Cantique de Jean Racine	Gabriel Fauré
Herre Gud, du er og bliver	Bach

Et kvilestelle	Feldhusen (Skartveit /Kristoffersen?)
Praise the Lord	Jay Althouse
Jesus, din søte forening å smoke	Allendorf/Hygom, Norsk folketone
Verleih uns Frieden gnädiglich	Mendelssohn Bartholdy
Wie der Hirsch schreit	Mendelssohn Bartholdy
Guds kyrkje syng kring vide jord	Vulpius/ Overøye
Jesus lever, graven brast	J N Brun/Støylen, Ahle/Briegel
Høyr kor englar syng frå sky	Wesley / Mendelssohn Bartholdy

Nye aspirantar til Kyrkjekoret?



Frå 4-årssamlinga.

Foto: Berit Aasebø Hauge

GLOPPEN KYRKJELEGE FELLESRÅD

Gloppen kyrkjelege fellesråd er eit fellesråd for Gloppen sokn, Hyen sokn og Breim sokn. Fellesrådet har 10 faste tilsette i større eller mindre stillingar i tillegg til nokre som er på timebasis, totalt 13 stk. Samla gjev dette kring 6 årsverk.

Fellesrådet har vert samansett slik i 2022:

Faste medlemmer	Funksjon	representerer
BJØRN AURLIEN	Leiar	Gloppen sokn
NARVE EIMHJELLEN	Nestleiar	Hyen sokn
ODDRUN KARIN MIDTKANDAL	Medlem	Breim sokn
HUGLEIK ALMENNING	Medlem	Breim sokn
ODDHILD ALMENNING VOLL	Medlem	Gloppen sokn
AUD KARI SOLHEIM	Medlem	Hyen sokn
BERNT REED	Politikar	Kommunestyret
TORE MYKLEBUST	Sokneprest	Biskopen
AUDUN MUNDAL	Sekretær	Dagleg leiar

Kyrkjekontoret held til i eige kontorbygg, bygd i 2017, i Åsavegen der ein disponerer 9 kontorplassar og møtelokale/kantine. Gloppen kyrkjelege fellesråd er medlem av Kyrkjeleg arbeidsgjever- og interesseorganisasjon (KA) og er omfatta av KA sitt tariffområde. Dei tilsette har pensjonsordning i KLP.

Arbeidsmiljøet er godt blant dei tilsette. Det har vore litt utskiftingar og nytt personell, men dette av naturlege årsaker som alder og ny stilling. Fråværssstatistikken er lav. Det er ikkje meldt om personskade i perioden.

Året 2022 i korte trekk

Året var prega av opning etter korona og nedstengingar i fleire år. Dette gjorde til at mykje av aktiviteten, spesielt på trusopplæringa, fekk starte opp at med fullt trykk. Det var godt å komme i gang.

Våren var hektisk med kraftig vekst på gravplassane, men heldigvis ikkje så mykje som tidlegare år, så vi klarte fint å halde tritt, dette hadde betra seg når vi fekk nok folk på plass. I 2022 blei vi også ferdige med å måle opp att Gimmestad kyrkje.

På i sommar blei det oppstart med ombygging av Sandane kyrkje. Der var ein god dugnadsgjeng i gang med rivinga før handtverkarane kunne kome inn.

Det blei ei hektisk førjulstid med mange konserter av forskjellige slag, ein del eksterne, men også ein god del av heimvende Glopparar som heldt konsert.

Personale:

På personalsida var Simona i gang i 100% stilling som kyrkjelydsmedarbeiter frå hausten av.

Gravplassforvaltinga:

På gravplassane har vi hatt i aktivitet 4 medarbeidrarar: Karine Aandstad Ommedal i Hyen, Kristoffer Gaasemyr i Breim, Christian Evensen rundt Gloppefjorden og Hallvard Bjotveit på Vereide gravplass. Dette har vore ein god gjeng. I 2023 blir det nokre utskiftingar, men med gode folk på plass då også.

Arbeidet med opprydding av gravminne har vore hovudfokus dette året også. Det har vore fokus på Fredly og starta opp på Gimmestad gravplass, i tillegg til noko i Hyen. Det er rydda opp under 1100 gravminne så langt, så det er «berre» 400 igjen. Gravminna har vorte sende til destruksjon i steinknusar etter kvart som ein fjerna dei.

Økonomi:

2022 blei eit normalår med festeavgifter. Der var ein del inntekter på utleige av lokale også, men dette utgjer ein liten del, sjølv om det var litt inntekter på julekonsertane. Kanskje det blir endå betre i 2023 når folk er kvitt koronaangsten. Overføringane frå kommunen er som vanleg alt for låge, vi ligg framleis kring 20% under fellesråd rundt oss når det gjeld overføringer pr. innbyggjar. Dette merkast med at vi ikkje får bygd oss opp kapital til vedlikehald. Vi har ikkje heilt oversikt over det økonomiske resultatet for 2022 endå, men med ein del ekstrautgifter kan det sjå ut som det blir eit underskot.

Vedlikehald:

Gimmestad kyrkje vart måla i 2022 og blei fin og kvit. Underveis i arbeidet blei det oppdaga ein del som måtte skiftast ut, så det blei ein god del ekstrakostnad, som vanleg på slike prosjekt.

Investeringsprosjekt:

Kommunen ga oss heller ikkje i 2022 midlar til investering, men på gamle Gimmestad kyrkje hadde ein håpa at ein fekk oppstart med konservering på innvendige vegg - og himlingsmåleri i 2022, men dette blei utsett av Riksantikvaren inntil vidare. Her er det sett av midlar frå tidlegare.

Januar 2023

Audun Mundal, Kyrkjeverje



1.juledag. Foto: Berit Aasebø Hauge

VEDLEGG:

SAMARBEID

**Kristent barne- og ungdomsarbeid for alle born og unge i soknet vårt,
drive av ulike organisasjoner**

KFUK/KFUM SANDANE

1. OPE HUS

38 ungdommar var registrerte som medlemmar i Ope Hus i 2022. Det er i hovudsak 9.klassingar som er medlemmer. Etter konfirmasjonen på våren, er det mange som sluttar, og i august startar det opp nye 9.klassingar. For å få med 8.klassingar, inviterte vi i juni til eigen klubbkveld for 7.klassingane for at dei skulle bli litt kjende. Det var godt frammøte og ein flott kveld. Nokre av dei har vore med i haust. Vi hadde åtte klubbkveldar på våren og tretten på hausten. Dei fire første kveldane på hausten var det omlag 50 ungdommar som kom. Etter det, har talet variert frå 25 til 10. Ungdommane er stort sett sjølvgåande i aktivitetane. Det verker som dei set stor pris på å få vere ilag og sjølv velje kva dei vil gjere. Det har vore stor aktivitet i kjellaren med biljard, bordtennis, skyting med luftgevær og air-hockey. Det at lokala er ny-oppussa og fine, aukar trivselen. I biljardrommet er det fleire sitjegrupper. I tillegg til aktivitet i kjellaren, er det hobby-aktivitet og av og til brettspel i peisestova. Kjøkkenet er også viktig. Det kjem mange innom der for å høre kva som står på menyen. Om det trengst, hjelper dei gjerne til. Vi har medhjelparar som innimellom bakar kaker eller bollar og leverer på døra. Det er vi takksame for. Andre gongar serverer vi pizza eller frukt. Siste gong før jul, vart det servert graut.

Vi har trufaste vaksne som har vore med lenge. Dei legg til rette og er tilgjengelege i miljøet. To ungdommar vert lønna som leiarar. Vi set stor pris på tett samarbeid med prest og trusopplærar, og dei deltek også på nokre av kveldane. Som avslutning på kvar kveld, samlast dei som vil i kyrkjehrommet til fast kveldsrituale med m.a. lesing av "regnbogebøner" og lyttenning. Dette har oftast vore rolege, fine stunder. Vi er heldige som har trufaste medarbeidarar, gode lokale og bra med utstyr. Det krev tid og krefter å finne medhjelparar, men mange er villige dersom oppdraga ikkje vert for store.

Jorunn Høyland
Leiar KFUK/KFUM
22.01.23

2. ÅRSRAPPORT SANDANE BARNEGOSPEL 2022

Sandane barnegospel har også dette året øvd annankvar tysdag gjennom skuleåret i Sandane kyrkje.

I vårhalvåret var det Louise Tveito som var hovuddirigent, og Ingrid Lade som var meddirigent med spesielt ansvar for solistar samt andakter og leik. Dei gjekk 3.kl ved Firda vgs. (musikk og drama), så det var trist å ta farvel med to flinke og veldig populære russar ved vårvslutninga.

Det vart ein aktiv vår for koret med deltaking og mykje flott korsong på Barnekorfestival i Operahuset på Eid, «Vår dag» med Gloppen KFUK-KFUM si markering av Frivillighetens år, samt avslutning av våsemesteret med minikonsert, grilling og kjekke aktivitetar på Myra.



Dette året har vi to kjekke og flinke foreldre som tok på seg dirigentansvaret. Systrene Eirin Bakketun Sægrov og Marianne Bakketun Fjellestad har vore dirigentar hausten 2022. I tillegg har Peder Andreas Bakke (vår-22), Ingrid Sofie Bakke og underteikna vore med som medhjelparar i koret med praktiske og organisatoriske tilretteleggingar på øvingar og andre arrangement.

Hausten har gått fort og dei første som fekk høyre det flotte koret utanom foreldre og føresette, var alle dei som kom på den kjekke julemassa til Gloppen KFUK-KFUM 28.nov. Elles hadde koret ei flott juleavslutning der Karin Urke frå styret med fleire gode medhjelparar serverte god graut til kormedlemmar med foreldre og søskjen før koret hadde ein fin minikonsert for familiene sine. Til slutt var det tradisjonen tru, utdeling av peparkaker og klementinar. Det vart godt motteke.

Det har vore med pluss minus 20 barn mellom 3-4 og 9 år både vår- og haustsemesteret. Ein fin gjeng med positive og glade barn og fornøgde føresette gjer at dette er eit viktig og kjekt barnearbeid i kyrkja vår.

Sandane, 19.01.23

Anne Marie Bakke, vaksenleiar



sandane soul children

Årsmelding 2022

Etter nokre vanskelege år med korona kunne Sandane Soul Children endeleg starta opp igjen, og første øving blei 3. mars. Koret har hatt øving nesten kvar torsdag frå mars til desember (torsdagar 18.30-20.00), og har samla 10-20 barn og unge i alderen 10-16 år. Øvingar og arrangement er forankra i Soul Children sine tre søyler: Det musikalske, det sosiale og det åndelege.

Dirigent Magnhild Endal Husevåg har vore dirigent for Sandane Soul Children i over 20 år (!) og har i haust gjeve stafettpinnen vidare til Emilie Lynn Brunstad. Magnhild og Per Ståle sin innsats kan ikkje beskrivast med ord, men likevel TUSEN TAKK for innsatsen!

Emilie og Ørjan Brunstad hoppa uti det med samla bein og starta med Soul Children festival i Oslo. Festivalen var høgdepunktet i haust og var svært inspirerande for både små og store!

Takk for eit innhaldsrikt år! Vi både håpar og trur at små og store gledar seg til fortsettinga!

5. januar 2023

Ørjan Brunstad, styreleiar

Aktivitetar i 2022:

31. mars: Filmkveld hos Husevåg

19. juni: Song på gudsteneste på Møtepunkt B, Sandane bedehus

11. september: Kick Off Barne- og ungdomsarbeid i samarbeid med DNK og andre organisasjoner

21.-23. oktober: International Soul Children festival (12 barn/ungdom) i Oslo

11. november: Pizza-kveld for dei eldste hos Brunstad

2. desember: Peparkakebaking hos Brunstad

18. desember: Song på gudsteneste på Møtepunkt B, Sandane bedehus



Soul Children festival i Oslo



Song på gudsteneste på Møtepunkt B



Øving på Sandane bedehus

SØNDAGSSKULEFORBUNDET

VEREIDE SØNDAGSSKULE



Etter ein koronapause starta vi med vårfrukost i starten av mars. Vi hadde 4 samlingar denne våren. I tillegg song vi på 17. mai. Her er bilde av årets solist på «Eg ber for Norge».



På sommaravslutninga takka vi av dei to hjelpeleiarane som var russ i vår, og som difor måtte avslutte si karriere som hjelpeleiarar på søndagskulen.

Men heldigvis kjem det nye til som hjelpeleiarar. Då vi starta opp om hausten hadde vi med oss ein fin gjeng på 9 ungdomar. Dei har mange oppgåver på søndagskulen. Bl.a. leier dei aktivitetsgruppene. Her ser vi bilde frå teiknegruppa, duplogruppa og utelekikgruppa.



Endeleg fekk vi arrangere julefest igjen etter to år koronapause! Åslaug Sande Haugset hadde laga eit eige julespel som hjelpeleiarar og søndagsskulebarn framførte.



Kristoffer og Andreas Kaale hadde laga ein god konkurrans som engasjerte heile salen. Her ser vi at ein frå kvart bord står framme på scena og får ei utfordring dei skal løyse.



Ein av hjelpeleiarane, Audun Bjørnereim, fortalte om vismennene som kom for å finne Jesusbarnet.

Det var svært godt frammøte på festen. Gymsalen var heilt full.

Til slutt gjekk vi rundt juletree i Ljosborgstova. Det vart song som nesten fekk taket til å løfte seg!

Søndagsskulen Norge har no fått eit nytt system for medlemsregistrering. Foreldra går inn på nettet sjølv og registrerer barnet sitt og betaler medlemspengar. Litt uvant enno, men det blei 43 betalande medlemmer dette året. På kvar søndagsskule samlar vi inn pengar til Stefanusbarna. Det er eit misjonsprosjekt som støttar barnehage og skulegang for barn som bur på søppelhaugen i Egypt.

Søndagsskulen har også fått gåver. Vi fekk minnegåve ved Margret Arnestad si gravferd og «jebusgåve» då Inga Tystad fylte rundt år.

Vi har god støtte frå 9 forbedarar som ber trufast for arbeidet vårt.

Januar 2022

Kari Rygg Leirgul

SANDANE SØNDAGSSKULE

Sandane søndagsskule har som mål at det alltid skal vere eit tilrettelagt tilbod til born som kjem på gudstenester i Sandane kyrkje. I 2022 har det vore 12 gudstenester i Sandane kyrkje, 7 av desse har vore familiegudstenester eller generasjonsgudstenester. I desse samlingane er det tilrettelagt for born under heile gudstenesta, så då har det ikkje vore eigen søndagsskule. I dei andre gudstenestene har det vore eit tilbod til borna som kjem, men det er ikkje så mange born som kjem på ordinære gudstenester i Sandane kyrkje. Dersom det er for få til at dei ynskjer å gå i eit anna rom for søndagsskule, så lagar vi til ein barnekrok bak i peisestova med søndagsskuleblad, teiknesaker og leikar. Med tanke på alle barnefamiliane som bur i området rundt Sandane kyrkje, er det eit potensiale for fleire born på alle gudstenestene. Dette er eit bøneemne og arbeidsområde for kyrkjelyden.

Januar 2023

Kirsti Bjotveit



Gloppen Sokn
Årsrekneskap 2022, Resultatrekneskap

Inntekter

	2022	2021
Offer til kyrkjelydsarbeidet	42 547	30 973
Offer til eksterne formål	283 580	128 348
Gamle Gimmestad gåver/omvis.	2 374	5 985
Fast gjevartheneste	147 936	102 100
Sal kunst	10 000	
Andre arr.inntekter	15 765	29 241
Konsertar	3 669	9 205
Lopperiet	219 151	128 795
Leigeinntekter div	5 417	
Finansinntekter	7 026	-
SUM INNTEKTER	727 465	444 646

Utgifter

Honorar	2 000	
Husleige Lopperiet	48 000	56 000
Lys og varme Firdavegen	7 028	10 050
Inventar Lopperiet	28 031	23 328
Trusopplæringa	106 954	54 600
Deltaking gudstjeneste og anna	11 318	
Leige/streaming av arr.	3 232	5 022
Rekneskapshonorar	13 125	12 750
Utlegg konsertar	35 502	
Konfirmantkapper	9 360	
Jubileum	17 061	14 321
Tilskot Diakon	40 375	40 375
Tilskot diverse	54 675	
Blomar og utsmykking	17 648	-
Møter og kontorkostnader	7 829	
Annonser og reklame	4 060	6 386
Offer til eksterne formål	266 791	128 159
Gåver	9 685	
Del av Flygel	55 000	-
Finansutgifter, bank/vipps-gebyr	4 999	5 322
SUM KOSTNADER	707 171	391 815

ÅRSRESULTAT	20 294	52 832
--------------------	---------------	---------------

**Gloppen Sokn
Årsrekneskap 2022, Balanse**

	2022	2021
Egedelar		
Vipps		2 512
Bank, 3710 30 02770	300 469	231 543
Bank Konsert, 3710 15 59263	78 398	64 695
Bank , 3710 30 12989	342 806	589 632
Bank Gimmestad 3710.12.03876	135 942	132 932
Gåvekonto Gimmestad 3710.30.59527	55 976	99 212
Bank 3705.44.46358	1 172 271	1 140 612
Sum bank og kontantar	<u>2 085 862</u>	<u>2 261 137</u>
 SUM EIGEDELAR	 <u>2 085 862</u>	 <u>2 261 137</u>
 Gjeld og eigenkapital		
Leverandørgjeld	0	1 969
Anna kortsitktig gjeld	<u>53 400</u>	
Sum gjeld	<u>53 400</u>	<u>1 969</u>
 Eigenkapital	 2 259 168	 2 206 336
Fordeling gammal gjevartereneste Sokna	-247 000	0
Overført resultat	20 294	52 832
Sum eignekapital	<u>2 032 462</u>	<u>2 259 168</u>
 SUM GJELD OG EIGENKAPITAL	 <u>2 085 862</u>	 <u>2 261 137</u>

Oversikt over eigenkapitalen

Eigenkapital pr. 01.01.2022	2 259 168
Fordeling gammal gjevartereneste Sokna	(247 000)
Årsresultat 2022	20 294
Eigenkapital pr. 31.12.2022	2 032 462

Til
Årsmøtet i Gloppen Sokneråd

Revisjonsmelding 2022

Rekneskapet for 2022 er gjennomgått og funne rett etter bilaga.

Balansen stemmer med kontoutdrag frå bank.

Rekneskap med overskot på kr 20.294,- kan fastsettast som
Gloppen Sokneråd sitt resultat for 2022.

Sandane, 02.02.2023

KAS Slagstad
Kari-Anne Skrede Slagstad
Autorsert rekneskapsførar

Del-rekneskap for Lopperiet 2022.

Inntekter:	219.000
-------------------	----------------

Om lag 130.000 kom inn under Sandane-dagane (summen inkluderer sal av svele og kaffi); resten ved sal gjennom året.

Utgifter:

Husleige	48.000,-
Straum	7.000,-
Innkjøp av nytt kjøkkentelt og 4 nye bord	28.000,-
Matvarer svele og kaffi + diverse	10.000,-
Tilskot til diakoniarbeidet – soknet sin del	40.000-
Tilskot deltakaravgift konfirmanttur	20.000,-
Støtte til KRIK deltakaravgift nyttårsleir	15.000,-
Støtte deltakaravgift Soul children i Oslo	15.000,-
Anna støtte til soknet sine utgifter	36.000,-

Sum utgifter:	219.000,-
----------------------	------------------

Soknerådet tenker å bruke av eigenkapitalen vår til ombygging av Sandane kyrkje i 2023.

Budsjett for Gloppen sokn 2023

Inntekter

Offer til kyrkjelydsarbeidet	kr 40 000
Offer eksterne formål	kr 270 000
Fast gjevarteneste i soknet	kr 160 000
Lopperiet	kr 200 000
Gamle Gimmestad kyrkje, gåver	kr 4 000
Konsertinntekter	kr 10 000
Andre gåver t.d. minnegåver	kr 10 000
Andre arr. Inntekter	kr 15 000
Leigeinntekter div.	kr 5 000
Finansinntekter	kr 4 000
<hr/>	
SUM INNTEKTER	kr 718 000

Utgifter

Husleige Lopperiet	kr 48 000
Straum Lopperiet	kr 10 000
Inventar/materiell Lopperiet	kr 20 000
Tilskot til trusopplæring	kr 84 000
Tilskot til diakonitenesta	kr 45 000
Utgifter knytt til gudsteneste arrang.	kr 7 000
Rekneskapshonorar	kr 14 000
Utlegg konserter	kr 10 000
Konfirmantkapper	kr 10 000
Konfirmantjubileum	kr 15 000
Diverse tilskot m.a. til barne og ungdom	kr 55 000
Blomar og utsmykking	kr 20 000
Møter og kontorkostnader	kr 5 000
Annonser og reklame	kr 10 000
Offer til eksterne formål	kr 270 000
Gåver/godtgjersle	kr 10 000
Inventar i samband med ombygging	
Sandane kyrkje	kr 80 000
Finansutgifter	kr 5 000
<hr/>	
Sum utgifter	kr 718 000

KYRKJELYDSTUR TIL YTRE FURE



Ytre Fure 20.august 2022. Foto: Berit Aasebø Hauge